



Datë: 26.05.2022

Në bazë të nenit 63 par 3.2 të Ligjit nr. 03/L/163 për Miniera dhe Minerale, dhe në bazë të Ligjit Nr. 06/L – 114 për Zyrat e Publikë, në pajtim Rregulloren (QRK) NR. 16/2020 Për Pranimi dhe Karrierë në SHC, Njësia e Burimeve Njerëzore e Komisionit të Pavarur për Miniera dhe Minerale me datë 26.05.2022 bënë:

SHPALLJE PUBLIKE

për pranimin e propozimeve nga organizatat e specializuara për ekspert të jashtëm të Komisionit të Pranimit

Organizatat e specializuara-ofruesit jo publik të shërbimeve të punësimit, OJQ-të dhe/apo kompanitë e regjistruara në Republikën e Kosovës në fushën e burimeve njerëzore kanë të drejtë që të dërgojnë propozimet e tyre për ekspert të jashtëm/anëtar të Komisionit të Pranimit në KPMM për pozitën Inspektor i Minierave - Xehetari tek grupi profesional Specialistë të inxhinierisë Minerare në KPMM.

Kandidatët për anëtarë të Komisionit të Pranimit (ekspert i jashtëm) të propozuar nga organizatat e specializuara, në pajtim me dispozitat e paragrafit 2.3 të nenit 18 të Rregullores (QRK) NR.16/2020 Për Pranimi dhe Karriera në SHC, duhet t'i plotësojnë kriteret si në vijim:

1. të kenë diplomë universitare të paktën 240 kredi;
2. të kenë tetë (8) vite përvojë pune profesionale prej të cilave të paktën pesë (5) vite në pozita të nivelit drejtues;
3. të mos kenë qenë anëtarë të organeve drejtuese të ndonjë partie politike të paktën në pesë (5) vitet e fundit;
4. të kenë integritet moral dhe profesional;
5. të mos kenë aktakuzë të konfirmuar dhe të mos kenë qenë të dënuar për kryerjen e një veprë penale;
6. të mos jetë i punësuar në shërbimin civil, të mos jetë i larguar nga shërbimi civil si rrjedhojë e masave disiplinore dhe të mos kenë masa disiplinore në fuqi.

Për kandidatët e propozuar nga organizatat e specializuara, duhet të dorëzohen dokumentet në vijim:

- Biografinë (CV-në);
- Dëshminë e kualifikimit profesional (diplomën e fakultetit). Për diplomat e pranuar jashtë vendit duhet të bashkëngjitet nostrifikimi i diplomës;
- Dëshmitë për përvojën profesionale dhe përvojën menaxheriale në pozitat e nivelit drejtues;
- Deklaratën me shkrim që nuk ka qenë anëtar i organeve drejtuese të ndonjë partie politike të paktën në pesë (5) vitet e fundit;
- Certifikatën e gjendjes penale të lëshuar nga gjykata kompetente;

- Deklaratën me shkrim që nuk është i punësuar në shërbimin civil, që nuk është i larguar nga shërbimi civil si rrjedhojë e masave disiplinore dhe që nuk ka masa disiplinore në fuqi;
- Kopjen e letërnjoftimit ose të pasaportës.

Organizatat e specializuara duhet të dërgojnë dëshminë zyrtare me të cilën dëshmojnë përmbushjen e kriterëve për statusin e organizatës së specializuar (ofruesit jo publik të shërbimeve të punësimit, OJQ-së dhe/apo kompanisë së regjistruar në Republikën e Kosovës) në fushën e burimeve njerëzore, si dhe duhet të ofrojnë të dhënat e sakta për adresën dhe numrin e telefonit kontaktues.

Për të gjithë të interesuarit ofrohen mundësi të barabarta dhe inkurajojmë të gjitha organizatat e specializuara që i plotësojnë kriteret e shpalljes të dërgojnë propozimet e tyre për anëtar të Komisionit të Pranimi.

2.3. një (1) ekspert i jashtëm në fushën e përzgjedhjes/vlerësimit të burimeve njerëzore, nga organizata të specializuara apo universitetet e fushës.

Sipas pikës 2.3 të nenit 17 e Rregullores (QRK) 16/2020 Pranimi dhe Karriera në SHC, Komisioni i pranimi për pozita të kategorisë profesionale, që themelohet në çdo institucion tjetër shtetëror, është me mandat 2 vjeçar.

Anëtari i Komisionit si ekspert i jashtëm në Komisionin e Pranimi, përfiton një pagesë fikse prej dyqind e pesëdhjetë (250.00) Euro për çdo procedurë konkurrimi në të cilën merr pjesë, në pajtim me dispozitat e pikës 2 të nenit 20 të Rregullores (QRK) 16/2020 Pranimi dhe Karriera në SHC.

Afati për dorëzimin e propozimeve për ekspert të jashtëm në Komisionin e Pavarur për Miniera dhe Minerale, është i hapur nga data 27/05/2022 deri më datë 02/06/2022.

Organizatat e specializuara të gjitha propozimet e tyre me dokumentet e bashkëngjitura mund t'i dërgojnë përmes postës elektronike në e-mail adresën: fmulaj@kosovo-mining.org.

Për informata shtesë mund të kontaktoni në nr. tel: 038 240 252-203 ose në email adresën: fmulaj@kosovo-mining.org.

Ju faleminderit!

Sali Mulaj
z.v. Drejtor

Komisioni i Pavarur për Miniera dhe Minerale

